



UPA 2022/162

22/3-2022

Anna Wangenheim

Uunga siunnersuut: Imigassaq pillugu Inatsisartut inatsisaata allanngortinneqarnissaa pillugu Inatsisartut inatsisaat. (Imigassaq pillugu akuersissummi aalakoornartullip procentianik allannguineq, imigassanik aalakoornartortalinnik sassaallineremi piffissamik ammaffiusumik allannguineremik erseqqissaaneq, imigassanik aalakoornartortalinnik tuniniaanerup sassaallinerullu killilersornissaa pillugu piffissamut aalajangersimasumut nuna tamakkerlugu nunalluunniit ilaannaanik malittarisassanik aalajangersaasinaanerit, kiisalu Inatsisartut inatsisaanik unioqqutitsinerni aalajangersimasuni arsaarinnissinnaaneq)

(Peqqissutsimut Naalakkersuisoq)

(Siullermeernera)

Paasigakku, imigassaq pillugu inatsimmut allannguutissanik saqqummiussisoqarsimasoq, annilaangalaalernerera isertuutissanngilara. Tassunga pissutaavoq, kingullermik IA Naleraq-llu naalakkersuisooqatigiinnerminni imigassaq pillugu inatsimmik pitsaanngivissortumik pilersitsimmata, tassani imigassaq saagut tunuannut toqqorlugu aammalu inuuusuttut 18-nit inorlugit ukiullit kaffisorniartarfinni kaffisorsinnaajunnaarsillugit nal. 20 kingorna. Annilaangassutigisimavara, inerteqquteqarnermut nuannarinnittut politikkerit IA-mit aammalu Naleqqamiit taaneqareersutut inerteqquteqaqqissanasoralugit.

Nuannaarutigaara, taamaattoqanngimmat. Imaanngilarli, siunnersummi allannguutissat tamaasa tapersorsorigut, annerpaatigut pitsaasumik taasassaanngitsut, malunnarlutillu, Naalakkersuisoqartugut, aqutsinissaminnut ersiotunik. Ilumut eqqumiigaluttuinnarpara, sooq IA Nalerarlu Naalakkersuisuni issiarusunnersut, takusinnaallugu, aaliangiussinissat taama ikitsigisut ersissuteqaratik aaliangertaraat aammalu suliniutit taama ikitsigisut aallartinnissaannut sapinngissusaat.

Aallaqqaatigilarali siunnersummi uani pitsaasutut isigisama nuannaarutiginera. Nuannaarutigaara, tuniniakkat amerlinissaannut periarfissaqalermet, tassami siunnersummi periarfissaqalerpoq imigassanik aalakoornartortalinnik 5,09 procent angullugu tuniniaanissaq sassaalliiinissarlu. Taamaaliorneq kiffaanngissuseqarnerusumik tuniniaanermik pilersitseqataassaaq, atuisut arlalinnik periarfissaqalissammata baajanik assigiinngitsunik pisinissaminnut.

Akerlianillu pisariaqanngilluinnarpoq Naalakkersuisut pisinnaatitsissumik tunissallugit imigassanik sassaallinermut matusinerni. Tunngavigaarpot, coronap ajornartoortitsinerani ilikkakkagut. Coronap ajornartoortitsinera ilinniutigisimagaanni, taava sooq inatsit allanngortinneqassava, aqutsineq tessunga tunngasoq qitiusumit ingerlanneqartillugu, kommunit aqussinnaasaraluat? Tassami ilikkarsimavarput, qanoq annertutigisumik tuniluunnerup pakkersimaarsinnaanera kommunini aaqqissuussinikkut suliniuteqarnikkullu ingerlanneqarpata; taava sooq tamanna qitiusumit ingerlanneqassava?



Sooruna Naalakkersuisut innuttaasut kommunillu ingerlatsivii nammineersinnaassusiarniaraat? Tassunga Demokraatit isumaqataanngillat. Isumaqarpugut, akerlianik tatiginninnermik suleqatiginnissuseqarnermillu takutitsisoqartariaqartoq "naliginnaasumik ulorianartup" aammalu "inuaqatigiinnut ulorianartorsiortitsisup" piffinni aqussinnaasariaqarmat uanilu pineqarpoq kommunenit. Uanga isumaqarpunga, tassa coronap ajornartoortitsinerani ilikkagarigippu – isumaqanngilanga, ilikkagarisimagippu, kommunenit akisussaaffimmik arsaartuineq soorlu Naalakkersuisut taamatut isumaqarpasitut.

Katersunnermi uani kingusinnerusukkut nappaatinut tuniluuttunut inatsisisaq nutaaq suliarisussaavarput, Naalakkersuisunut atituumik annertuumillu pisinnaatitsereersoq inuaqatigiinnut ulorianartorsiortitsisup suliarineranut atasumik. Sooq unammillernartup taassuma ilaa taanna pisinnaatitsinerlu imigassaq pillugu inatsimmut ilanggunneqariataassava?

Isomaqarpugut, Naalakkersuisut pineqartut tapukartuukkaat. Taassumami kingunerissammagu, Naalakkersuisut tassanngaannaq nalilersinnaalissammassuk, suna inuaqatigiinnut ulorianartorsiortitsinngitsuusoq taamaallillutillu imigassamik tuniniaaneq sassaalliinerlu iluarisannguaminnik matusinnaanngorlugit. Kiap nalilersussagamiuk suna inuaqatigiinnut ulorianartorsiortitsinngitsuunersoq? Imigassarmi sapaatit akunnerisa naaneri tamaasa politiit nalunaarutaanni annerpaamik ajortuliortuusarmat. Tamanna ulorianarpoq. Imaanngilarli, sapaatit akunnerisa naaneri tamaasa imigassaarniarnerit sassaalliinerillu inerteqqutigineqassasut. Taamaattumik Demokraatit allannguutissatut siunnersummi taannartaa isumaqatiginngilaat.

Siusinnerusukkut eqqaavara, siunnersuut angusaqrluarusunnermik tunngaveqanngitsutut isigigakku. Pingaartumik pissutigaara, imigassartoriaasitsinnut isummernissamut qunusoqarnera imal. isummertoqannginnera, qanorlu iliorsinnaanersugut tamanna pillugu. Tassami ilumoortoq imaappoq, agguaqatigiisillugu nunanut allanut sanilliulluta imerunerunngilagut, ajoraluartumilli arlalissuit, imigassartorpallaarlutik. Ima annertutigisumik aqussinnaajunnaarlugu. Inerteqquteqarneq pitsasuunngilaq, atornerluisunillu katsorsaanerup ukkatarineqarnerunissaa. Siunnersummi atornerluisunut katsorsaaneq sunnguamilluunni eqqaaneqanngilaq. Tamannalu tupigusuutigaara. Naalakkersuisut isumaqarpat, atornerluisunut katsorsaaneq ajunngitsoq? Naalakkersuisut isumaqarpat, eqqortuusoq, ukkatarinninnerujussuaq, kikkut tamarmik Allorfimmi katsorsartinnissaannik? Naalakkersuisut tatiginngilaat, sullissisinnaasut allat atornerluisunik ikorsiinissaat?

Tupigusuutigaara pingaartumik Naleraq – Peqqissutsimut Naalakkersuisup partiia – Katuami akunnerit marluk sinnerlugit qineqquaarnermi neriorsuimmat, peqqissutsimut neqeroorutit namminersortunut tunniunneqassasut. Ilimanateqanngilluinnarpoq, qineqquaarutip timitalerneqarnissaa, naak, Peqqissutsimut Naalakkersuisutut issiagaluarluni. Tupinnarlunilu angusaqrluarusunnermillu tunngaveqarani.

Taamatut oqaaseqarluta siunnersuut llaqutariinnermut- Peqqissutsimullu ataatsimiitaliamut innersuupparput, kissaatigalugu imigassanik nioqquteqarnerup sassaalliinerullu inerteqqutigineqartareranni Naalakkersuisut pisinnaatinneqartarerisa peerneqarnissaat akerlianilli inerteqqutinik ikinnerusunik suliniuteqartoqassasoq. Taassuma saniatigut kissaatigaarput, ataatsimiitaliap



DEMOKRAATIT
DEMOKRATERNE

Naalakkersuisut piumaffigissagai atornerluisunut katsorsaanermut neqeroorutit isummerfigeqqullugit, atuinerup apparinnejarnissaa kissaatigineqarpat.